


后妃の



吳興劉氏嘉業堂鈔本

宋會要卷第十六

大興徐松輯大典本

吳興劉承幹編定

后妃四貴  
昭儀 淑  
充儀 德  
婉妃  
賢妃  
順容 淑  
婕妤 貴  
美妃

妃嬪  
附乳母

七月進昭容大中祥符六年三月  
進明儀天禧二年

宋會要卷第... 鈔本

大興徐松輯大典本

后妃四妃嬪 乳母附

吳興劉承幹編定



妃嬪

太宗貴妃孫氏 左金吾衛大將軍守斌之女太平興  
國二年七月入宮三年為才人又賜號貴妃八年九月  
卒 大典卷一十五

貴妃臧氏 江南李煜宮人煜卒入宮中太平興國八

年九月自御侍為縣君端拱二年四月為美人至道三

年九月進淑儀乾興元年四月進貴儀卒年月缺明道

二年十二月贈婕妤好慶歷四年九月贈貴妃生舒王元

偁晉國申國大長公主 同上

天禧乃真宗年坤此貴妃方氏當  
為真宗老妃應刊於長抄存正  
以此

婕妤

婕妤有誤

婕妤

貴妃方氏 初封新安郡君天禧二年九月為美人乾  
興元年四月進婕妤五月卒天聖三年五月贈昭媛明  
道二年十二月贈太儀慶歷二年三月贈淑妃四年九  
月贈貴妃生魏國大長公主上同  
真宗貴妃杜氏 初事藩邸後於洞真入道為法正都  
監號悟真大師名瓊真明道二年十一月為婕妤寶元  
元年十一月進充媛慶歷元年十二月進充容四年進  
婕妤尋為賢妃六年八月卒贈貴妃生衛國大長公主  
上同  
貴妃沈氏故相倫之孫光祿少卿繼宗之女大中祥符  
二年四月為才人六年正月進美人天禧二年九月進

吳興編氏嘉業堂鈔本

婕妤乾興元年四月進充媛明道二年十一月進昭容  
寶元元年十一月進昭儀慶歷元年十二月進婉容四  
年九月進賢妃尋加德妃為人淑儉不華帝亦以妃家  
世故待之異眾長秋虛位帝欲立之有從中沮之者不  
果嘉祐七年十二月進貴妃二十三日太常禮院言准  
詔詳定貴妃冊禮合與不合奏告天地宮觀宗廟社稷  
諸陵檢詳即無奏告之禮八年八月二日以參知政事  
歐陽脩為貴妃冊禮使樞密副使胡宿副之翰林學士  
王珪撰冊文并書冊印冊文曰皇帝若曰夫國風之始  
以厚天下之大倫陰教之脩以助王者之正道顧予涼  
昧奉若基圖春言別掖之英逮事先帝之室維年德之

並茂且名秩之未稱稽求往冊之適登冠列妃之華浩  
爾德妃沈氏淵粹惠閑柔明端靚幼蹈儀矩不待姆師  
之訓初被選納蓋出公相之族鳴玉節動陳詩戒盈展  
如邦之良媛宜然天與遐福朕仰欽聖烈之餘俛懷宮  
籍之舊維爾有輔佐之力早經於大謨維爾有澣濯之  
工下式于群御茲庸表迪懿實敷錫徽猷亞於軒龍之  
象不謂不崇衣以禴翟之衣不謂不寵備物既渥蠲辰  
既良咨合僉謀咨揚顯命今遣使禮部侍郎參知政事  
歐陽脩副使樞密副使左諫議大夫胡宿持節冊命爾  
為貴妃於戲內治起化外姻戒權相祭祀以時則有周  
家之禮在斥儉謁之行則有漢史之論明當職恩禮之

吳興沈氏嘉善堂鈔本

來以綏賢令之祉遂永終譽不其美歟熙寧九年十一

月卒賜謚昭靜

大典卷一千二百六十五

仁宗貴妃張氏

慶歷八年十月十八日制以美人張

氏為貴妃令所司擇日備禮冊命國朝以來命妃未嘗

行冊禮然故事須俟旨方以告勅授之又凡降制皆從

學士院待詔書告詞送中書經三省御官告院用印然

後進入時宣制畢學士宋祁止就院寫告直取官告院

印用之遽封以進方妃寵盛欲行冊命之禮得告怒擲

地不肯受祁坐落職知許州二十一日命參知政事龐

籍為貴妃冊禮使樞密副使高若訥副之翰林學士李

淑撰冊文并書冊印後淑侍養命觀文殿學士丁度代

二十一日太常禮院言參詳令文及歷代典故脩撰貴妃冊禮儀注冊竹簡長一尺一寸濶一寸約文多少用一十四枚以錦裝標用天下樂錦印用金方一寸其文曰貴妃之印龜鈕紫綾服以禴翟之衣青質羅為之衣畫裳羅皆為翟文編次於衣及裳重為九等素紗中單黼領朱襪襪黼謂為雜文蔽膝隨裳色並用青以緞為大帶以青加革帶青鞵青舄緣亦繡翟文重為二等玉佩錦綬首飾用花釵九株寶鈿准花之數施二博鬢從之二十三日司天監言選定十二月三日行冊命禮告詔可十一月三日太常禮院言據文思院供到貴妃冊匣印蓋各件減定制度黑漆冊匣一長六尺濶一尺三寸底蓋共高八寸渾金鍍銀起突釵花草翬

吳興劉氏嘉善堂針本

鳳葉段裝手把屈戌戀攀鏤鑰齒大綾托裏齒絲條全黑漆冊床一身裏六尺五寸竿長一丈八尺濶三尺五寸高二尺一寸渾金鍍銀起突釵花草翬鳳葉段裝釘分鎔獸面等銀累鐵魚鈎齒絲條拂線全齒羅繡肩褥八片帶全并行馬黑漆印匣兩重並渾金鍍銀起突釵花草翬鳳葉段裝手把屈戌戀攀屈戌等并齒大綾托內可底齒羅繡褥齒絲鏤條第一重印匣一方二尺二寸高二尺六寸第二重印匣一方一尺六寸高二尺二寸鞠束事件全黑漆腰昇一方二尺九寸并竿長一丈五尺連脚高二尺渾金鍍銀釵花草翬鳳葉段裝釘分鎔等全銀累鐵魚鈎齒絲魚鈎條可腰昇面齒羅繡褥

全并肩褥子八片金鍍銀分銘獸面螭頭金並行馬全  
茜羅繡花草翬鳳蓋印匣夾帕二裏印夾帕一蓋冊夾  
帕一襯冊文夾帕一冊內褥子一冊床上褥子一茜絲  
條拂頭線全鞞印匣板條二綾絡條二絆冊圖條二蓋  
冊匣印茜絹夾油帕二黑漆印床一金鍍銀鈸花草翬  
鳳裝茜繡褥子黑漆香案一茜繡茶衣花草翬鳳上用  
間金鍍銀香爐匙合從之仍差內侍盧昭序同少府監  
文思院製造十二月三日宰臣率百官班文德殿庭內  
臣二員自內中承旨降冊印率主當者以奉冊印出垂  
拱殿其捧冊官俱播笏率主當捧冊印執事人等以次  
捧舉禮直官導中書侍郎押冊通事舍人博士導中書

吳興蜀氏嘉善堂鈔本

令後從次禮直官導禮部郎中押印通事舍人博士導  
禮部侍郎後從援衛如儀由東上閣門至文德殿庭西  
向褥位權置援衛人等少退立通事舍人博士引冊使副就  
承制位北向立定躬次禮直官引宣徽使於冊使前西  
向稱有制典儀曰再拜贊者承傳冊使副應在位官皆  
再拜訖宣曰美人張氏特進封貴妃命公等持節展禮  
宣訖冊使副再拜宣徽使還位門下侍郎帥主節者詣  
冊使東北主節者以節授門下侍郎主節者退門下侍  
郎執節授冊使跪受興付主節門下侍郎歸本班幡隨  
節立於使左次引中書令詣冊使東北西向立中書侍  
郎引冊案立於中書令之左中書令取冊授冊使跪受

興冊文曰皇帝若曰天上憲星極協四妃敷陰教之列  
亞長秋之位正始王化御於家邦咨於淑哲是謂疇內  
治備承典冊是謂隆徽數諗而行之古今通誼美人張  
氏淵敏居質醇和賦性生絃冕之令族稟圖史之懿戒  
柔明維則克茂嬀風婉孌含章詎煩姆訓肆于涼薄纂  
大丕構樂得邦媛參叙官職始明慎於選納見勤勞於  
輔佐曷辭貴秩愈勵冲誠宜有褒嘉聿申崇拜揆茲穀  
旦膺此渙恩質於師僉享我德舉禴翟盛其服禮莫大  
焉彤管貽其範體莫重焉澣衣示儉婦道於以從訓穆  
木逮下風人於以流詠寵命既輯爾實宜之今遣使在  
諫議大夫參知政事龐籍副使右諫議大夫高若訥持

吳興何氏嘉妻字鈔本

節冊命爾為貴妃於戲體順承以勤道躬法度以脩己  
祇率九御贊于壺則惟勞謙以處其貴惟肅雍以成其  
美永啟休譽不其盛歟中書令中書侍郎各還本班次  
引禮部侍郎詣冊使東北西向立禮部郎中引印案立  
於禮部侍郎之右禮部侍郎取印授冊使冊使跪受興  
禮部侍郎禮部郎中各還本班其冊印並東向置於案  
舉案者退立於後立定典儀曰再拜贊者承傳冊使副應在位  
文武百僚皆再拜訖通事舍人博士引冊使副押冊印  
持節前導援衛如式以次出朝堂門文武百僚班退由  
右昇龍門入大慶門由殿西過至殿後門出由宣祐門  
至內東門權置冊印於貴妃本位門之外設受冊印位

於庭階下北向又設冊使位於內東門外副使及內給事又於其南差退並東向北上設冊印案位於冊使之前南向又設內給事位於冊使北南向其日自文德殿奉冊印將欲至內東門內給事詣本位請貴妃首飾禴翟衣預供入司冊印至內東門外禱位置訖捧冊官主當者少退內臣引內外命婦諸親俱入就位立如儀禮直官引冊使副等俱就東向位立定內給事進就南向立通事舍人博士引冊使就內給事前東向躬稱冊使麗籍副使高若訥奉制授貴妃冊印訖退復位內給事入詣所受冊印本位貴妃前躬言訖退內給事進詣冊使前西冊使跪以冊印授內給事內給事跪受付內謁者冊使退

吳興... 針本

復位內謁者及主當內臣等持冊印入內東門內給事從之冊使副并行以次入詣本位度又內給事贊貴妃降詣庭中北向位立定內給事跪取冊興立於貴妃之右少前西向又內給事一員立於貴妃之左少前東向又內給事稱有制內給事贊貴妃再拜訖內給事奉冊授貴妃貴妃受以授內給事內給事奉印授貴妃貴妃受以授內給事如奉冊之儀內給事贊貴妃再拜訖內給事前引貴妃升位以次內臣引內外命婦諸親賀如常儀內給事贊言禮畢內外命婦諸親退內給事引貴妃謝皇帝皇后一用內中儀百官上表稱賀上同貴妃張氏熙寧九年十一月詔魯國大長公主養母仁

宗後宮延安郡君張氏可特進美人元豐八年四月進  
嬪好元符三年正月進充儀崇寧二年三月進賢妃三  
年十月薨車駕臨奠特贈貴妃賜諡昭懿上同  
貴妃周氏嘉祐四年六月自御侍安定郡君為美人五  
年七月進嬪好八年三月進婉容熙寧九年三月進賢  
妃元豐五年十二月進德妃八年四月進淑妃元符三  
年正月進貴妃生令德景行大長公主懿穆大長公主  
上同  
貴妃董氏嘉祐四年自御侍縣君為貴人五年進美人  
固辭請回授其父一官許之六年七月進嬪好九月進  
充媛是月卒贈淑妃元符三年四月贈貴妃生莊謹大

長公主莊齊大長公主賢懿恭穆大長公主

神宗貴妃邢氏初為御侍熙寧二年四月封永嘉郡君  
四年六月進美人七年七月進充容十年二月進婉儀  
元豐元年十二月進賢妃八年四月進淑妃元符三年  
正月進貴妃崇寧三年十月薨車駕臨奠賜諡曰懿穆  
生惠王僖冀王佃豫王侂徐王佃賢和長公主上同  
貴妃宋氏 熙寧二年十一月為才人六年四月進嬪  
好元豐二年進充媛八年四月進婉儀紹聖四年二月  
進賢妃元符三年正月進德妃大觀二年二月進淑妃  
政和三年三月進貴妃七年六月薨生咸王侂唐王俊  
賢孝長公主崇寧八年內出手詔曰神考嬪御貴妃宋

列異錄

○聖憲宣和二十三字似  
不在此處誤考。  
案下文有徽宗貴妃王人  
或者或彼處之誤錯。

氏自熙寧初誕育皇嗣年德彌邵譽藹掖庭遽爾淪謝  
列用傷惻可依例賜二字謚并依貴妃苗氏合得恩澤  
七人外更添三人以稱朕思親眷舊之意宣和五年以岳陽節  
度使王舜昌乞致仕手詔特諭王貴妃上  
貴妃林氏初為御侍元豐五年八月封永嘉郡君六年  
十月為美人八年四月進婕妤元祐五年正月卒贈婉  
儀元符三年四月贈賢妃政和三年四月贈貴妃生燕  
王侯越王德賢令長公主上同  
貴妃武氏初為御侍元豐五年八月進才人八年四月  
進美人紹聖三年進婕妤元符三年正月進昭儀建中  
靖國元年十二月進賢妃大觀元年六月薨七月車駕

吳興高氏嘉善堂鈔本

臨奠贈貴妃謚曰惠穆上同

徽宗貴妃王氏初封壽昌郡君建中靖國元年十月進

美人崇寧二年三月進婉容三年七月進德妃四年八

月進淑妃大觀元年四月進貴妃生鄆王楷荆王楫肅

王樞徐王棟相國公挺崇德公主保淑公主熙淑公主

上同

貴妃王氏 崇寧三年九月封平昌郡君四年閏二月

進才人三月進美人是月進婕妤五年八月進修容大

觀二年進婉容七月進賢妃政和元年七月進德妃三

年二月進淑妃四年三月進貴妃七年九月薨謚曰懿

肅生華王植陳王機惠淑公主康淑公主柔福公主冲

徐王

懿公主上同

貴妃喬氏初為御侍崇寧二年五月封宜春郡君二年

九月進美人四年閏二月進婕妤五年二月進婉容大

觀元年十二月進賢妃二年二月進德妃三年五月進

貴妃生景王杞濟王相邠王材華原郡王朴鄆王拱鄆

國公榘瀛國公榘上同

貴妃崔氏初為御侍大觀三年正月封平昌郡君十月

進才人四年七月進美人十二月進婕妤政和元年二

月進婉容二年二月進賢妃三年十一月進德妃六年

七月進貴妃生漢王椿悼穆公主敦淑公主寧福公主

順穆公主永福公主宣和四年七月降為庶人上同

卷一百零一

漢王椿悼穆公主敦淑公主寧福公主

吳興趙氏嘉善堂針本

孝宗貴妃張氏淳熙十四年三月二日詔婉容張氏進

封貴妃制曰朕董擇柔儀宣明內治奉慈闈之養上焉

祇事於兩宮佐中蓋之徽下以翼齊於九御克艱厥選

茲得其人申制綽以誕敷亶廷紳而傾聽婉容張氏性

資嫺肅矩度淵英德盛睢鳩擅彤管三章之美禮崇禴

翟應良家八月之求自虞侍於邃清即寢蒙於腆澤恩

隆而志愈癸位峻而身益恭蘭行桃姿茂迪嬪嬙之化

瑤環瑜珥動循珩佩之飾疊觥不替於憂勤琴瑟日章

於窈窕靖言懿範妙簡深衷是用稽參往策之文登晉

列妃之冠宸班一品有嚴玉璵之華天極四星於赫珠

躔之貴昭其命數匪我私親於戲雞鳴興賢女之思久

賴陳詩之戒魚貫利宮人之寵更圖觀象之孚勉輯芳猷永綏多祐同上

貴妃黃氏淳熙十六年五月十八日詔和義郡夫人黃氏進封貴妃制曰周以三夫人佐后視外朝三事之崇唐以四美號建妃體圓極四星之序朕若稽古訓遠擇婦官廷登邦媛之良協輔坤儀之重載差吉旦敷告昕延之典和義郡夫人黃氏履行肅雖稟姿和粹動必循於圖史言自合於箴規被選良家已謹佩璜之節承恩儲禁益流藻苻之芳攀鱗適際於天飛秉德有光於內則當朕纂承之始寔資警戒之成相予夙夜之憂勤助我庭闈之孝養肆疇懿範升備元始志在進賢贊徽音

吉且下殿院侯。文似視侯。

始疑妃。

吳興蜀氏嘉妻堂鈔本

於中禮坐而論禮等峻秩於上公以基王化之風以厚人倫之本於戲正家而刑萬國朕方取法於闕雎率職以倡九嬪爾尚匹休於彤管欽承異渥適邇令猷可特進封貴妃禮 不受冊 同上

寧宗貴妃楊氏慶元六年二月二十八日詔婉儀楊氏進封貴妃制曰朕飭內治以化民風因春王而修古制弓韜謹禘祠之奉應中禮以開祥種程佐耕事之共命六宮而來獻將協成於國典必肇建於妃聯諏辰既良出綉誕告婉儀楊氏性鍾純靚躬迪惠和誦德象窈窕之篇動閑以禮宜副笄委蛇之飾行稱其容蚤推邦媛之英入侍掖庭之邃夙宵殫乎謹絜槩範著乎柔賢雖

禮

禮

小字多刪方愛妃王琳妃應宮真宗

陰教是禪可繩九御之列然婦官未峻僅處六儀之間  
顧余續圖法古崇儉凡良家八月之選皆於時而靡違  
眇圓極四星之文亦取象之猶缺茲會逢於邦慶疇叶  
輔於坤闈肆旌婉則之芳特侈貴名之懿禴衣闕翟交  
輝命服之華龜紐金章外等公台之秩豈特坐嚴於論  
禮蓋將共飭於齊家於戲朕問安而至寢門爾備贊兩  
宮之甘旨后服澣而化天下爾宜帥內職之儉勤無險  
詖私諂之心全明章婦順之道斯有光於彤史庸永對  
於鴻休按此門內太宗貴妃方氏太宗淑妃王氏係照  
葉本內定本原稿內夾有另抄數頁繕寫清晰

淑妃生荆王元儼方貴妃生魏國大長公主亦合第原稿  
內俱與真宗妃上  
連叙俟考

吳興劉氏求恕齋鈔本

淑妃

抄本至此引楊氏後

太宗淑妃王氏初封金城郡君天禧二年九月進為美

人乾興元年四月進婕妤天聖九年十一月進昭媛卒

年月缺明道元年十月贈大儀二年十一月贈德妃慶

曆四年九月贈淑妃生荆王元儼大典卷一千  
六百六十六

真宗淑妃楊氏大中祥符七年六月十八日制以婉儀

楊氏為淑妃后妃降制皆學士院草詞宜於正衙近臣

牧伯皇親諸親皆脩儀禮為賀至是真宗不欲令藩臣

賁賀故不降制外廷止命學士草詞付中書同卷千二百六  
上又卷千二百六

仁宗淑妃董氏元豐五年十一月詔故淑妃董氏與恩

澤四人本家具名以聞以逮事仁宗生莊夷大長公主

翌日宰臣言宮掖加恩朝庭慶事且  
下不可關禮望令客省依例受貢  
賀帝勉從之

夷疑孝抄本存表

以逮事以宮二板

故也同上

神宗淑妃張氏初為御侍熙寧二年四月封仁壽縣君

三年正月進才人元豐八年四月進婕妤元符三年正

月進婉容崇寧五年九月卒贈淑妃諡曰懿靜生賢恪

長公主同上

高宗淑妃張氏禧熙七年十二月十三日詔德壽宮婉

儀張氏進封太上皇帝淑妃本位親屬官吏等推恩有

差同上

德妃

太宗德妃朱氏禧化二年七月自御侍為縣君四年十

一月為才人至道三年三月於太和宮入道為脩容大

吳興劉氏嘉業堂針本

中祥符六年進昭容賜號明真大師名正惠七年進昭

儀天禧二年九月進淑容乾興元年四月進淑儀改名

冲惠明道二年十一月進太儀是月進賢妃景祐二年

二月薨慶歷四年九月贈德妃同上。又大典卷一

真宗德妃劉氏大中祥符五年五月十一日制以脩儀

劉氏為德妃令所司擇日備禮冊命大典卷一千

德妃沈氏慶歷四年九月三日制以真宗婉容沈氏為

賢妃六日復進封沈氏為德妃同上

仁宗德妃俞氏景祐五年三月自御侍延安郡君為才

人九月進美人寶元二年六月進婕妤好皇祐二年十月

進充儀嘉祐八年三月進昭儀卒年月缺治平元年六

德妃沈氏應身仁宗抄奉正少冊  
今刊其志處似誤

月贈賢妃元符三年四月自賢妃贈德妃生楊王昉莊  
和大長公主上同

德妃楊氏初入宮為美人景祐元年八月出於別宅安  
置十月聽入道賜名宗妙居瑤華宮皇祐二年十月為  
婕妤嘉祐八年三月進修儀熙寧五年十二月卒贈賢  
妃元符三年四月贈德妃上同

德妃苗氏嘉祐七年十二月二十一日賢妃苗氏為德  
妃令所司備禮冊命嘉祐七年十二月二十三日參知  
政事趙鼎為德妃冊禮使樞密副使吳奎副之翰林學  
士賈黯撰冊文并書冊印冊文曰皇帝若曰天文列星  
次妃亞軒龍之象周官分職夫人擬公台之任朕奉若

嘉祐七年十二月廿合二條卅七字有  
但書日子又百書日字一可字移

吳興苗氏嘉書金鈔本

典訓率繇禮序故登建嬪媛必先令淑助德理內其在  
茲乎咨爾賢妃苗氏性資柔嘉體蹈靜婉居循圖史之  
戒動顧珩璜之節頃自魯館降嬪淑封進位而能飭躬  
彌約率德罔違曾微私諉之謁益茂肅靡之美流徽壺  
則增光彤史宜及吉時顯膺恩冊今遣使尚書禮部侍  
郎參知政事趙鼎副使樞密副使左諫議大夫吳奎持  
節冊命爾為德妃於戲惟謙畏所以杜奢盈之源惟柔  
順所以得輔佐之義惟奉上以禮惟逮下以和克念有  
終則罔攸悔往欽休哉不其慎歟 元豐元年詔賜德  
妃苗氏乞遇同天節比類婕妤等親屬霞帔故有是詔  
上同

賢妃

太宗賢妃高氏太平興國二年三月入宮三年三月為才人至道三年七月為脩容進昭容大中祥符六年進昭儀天禧二年九月進淑容乾興元年四月進淑儀卒年月缺明道二年十月贈太儀慶歷四年九月贈賢妃

上同

賢妃邵氏初事藩邸及帝即位授司衣博陵縣君遷御侍押班郡夫人再遷尚書書冀國夫人知大內事真宗初徙封鄭國夫人大中祥符二年遷宮正安國夫人六年為司宮令楚國夫人八年十一月加號順容九年二月卒明道二年十二月贈太儀慶歷四年九月贈賢

吳興高氏嘉業堂鈔本

妃上同

真宗賢妃曹氏樞密院使檢校太師兼侍中贈魯王彬之女大中祥符中為美人六年正月進婕妤天禧二年九月進充媛乾興元年四月進修媛天聖四年六月卒明道二年十二月贈淑儀慶歷四年九月贈貴儀皇祐元年十月贈賢妃上同賢妃陳氏初事藩邸為司衣至道二年卒於東宮葬沙臺寺咸平三年十月改葬普安院追號美人大中祥符八年正月贈昭儀乾興元年四月贈順容明道二年十二月贈淑容又贈太儀慶歷四年九月贈賢妃上同仁宗賢妃杜氏慶歷四年九月六日進封杜氏為賢妃

中書門下言近例封妃劄送學士院撰制詞更不鑠宿  
不付閣門宣讀便寫告進入從之上同

賢妃苗氏嘉祐二年六月二十三日制淑妃苗氏為賢  
妃令所司備禮冊命妃生福康公主以主將出降李瑋  
故加妃命後免行禮上同

神宗賢妃周氏熙寧九年三月一日制婉容周氏進封  
賢妃令有司備禮冊命三日命參知政事王珪為賢妃  
冊使元絳副使翰林學士楊繪撰冊文并書冊印十四  
日內降賢妃周氏冊印宰臣率百官班文德殿庭行禮  
冊文曰皇帝若曰家邦風化之原必先內職之正嬪御  
典司之秩無尚列妃之華上稽乾文將法四星之次外

吳興周氏嘉慶堂鈔本

為首作寶

視官品蓋比三公之崇必推其人迺命以位春言禁掖

之媛逮事祖先之庭懿範有聞勤誠無懈粵受顯冊厥

惟舊章咨爾婉容周氏早膺法相之求入踐宮闈之列

材咨淑哲性質溫和動循環珮之音雅出衣冠之胄奉

承陰教遵訓誨於保阿蹈襲閭儀服箴規於圖史外言

罔入內則彌彰昔生帝女之賢今位皇姑之貴肆加徽

數庸亦渙恩遂擇日辰之良昭陳禮物之備今遣使禮

部侍郎參知政事王珪副使工部侍郎參知政事元絳

持節冊命爾為賢妃於戲周南戒飾於險詖漢史稱揚

於肅雍惟善慶足以降福祥惟為謙足以長富貴式永

終譽不其美歟 元豐元年詔賜賢妃周氏乞遇同天

為首作寶

節比類婕妤等親屬霞帔故有是詔上同

賢妃邢氏元豐元年十二月三十日制以婉儀邢氏進

封賢妃免冊命上進告自是免行冊禮者並不書上同

賢妃張氏初封安定郡君元豐八年四月為才人元符

三年正月進美人崇寧五年七月卒贈脩容繼贈貴儀

政和四年三月贈賢妃上同

徽宗賢妃楊氏崇寧元年二月封永嘉郡君三年九月

進才人大觀二年二月進美人政和元年七月進脩容

五年十二月卒贈賢妃生和王拭順淑公主上同

賢妃王氏大觀元年閏十月封平昌郡君二年正月進

才人二月進美人四年五月進脩容政和三年閏四月

吳興石氏嘉寧堂鈔本

進婉容重和元年十一月進賢妃生沂王樛冲惠公主

上同

高宗賢妃潘氏建炎元年詔潘氏進封賢妃四年詔月

供賢妃以下月料炭九百八十秤一半支本色餘拆支

價錢。十二年婉儀張氏卒詔特贈賢妃上同

淑儀

淑儀李氏淳化初為尚宮久在宮掖事無巨細悉主之

四年卒贈昭儀明道二年十二月贈淑容慶歷四年九

月贈淑儀 淑儀吳氏右屯衛將軍延保之女太平興

國四年二月入宮五年為美人真宗初進昭容景德四

年卒明道二年十二月贈淑容慶歷四年九月贈淑儀

士年修舊樓行

洪儀吳氏當樓行

貴儀

貴儀張氏初封仁壽郡君元豐八年四月為才人元符三年正月進婕妤大觀二年二月進修容政和元年十月卒贈貴儀上同

昭儀

昭儀鮑氏初封永嘉郡君元豐八年四月為才人元符三年正月進美人崇寧元年十一月卒贈昭儀昭儀勾氏初封仁壽郡君元豐八年四月為才人元符三年正月進美人大觀二年二月進婕妤政和六年贈昭儀昭儀夏氏初為典閨建中靖國元年十二月封安定

昭儀夏氏初為典閨



吳興郡氏嘉善堂鈔本

郡君政和三年六月進才人五年十一月卒贈昭儀上同

充儀

充儀尚氏初為美人景祐元年八月於洞真宮入道皇祐二年九月卒贈充儀治平以後無加封 充儀朱氏初封沛國郡君元豐八年四月為才人紹聖二年七月卒贈充儀上同

婉儀

婉儀慕容氏紹興十四年十一月九日內降制曰朕紹隆基緒撫御家邦有如淑女之賢夙幸泰陵之遇相典刑之猶在况年德之俱尊進位視息揚庭享號婉儀慕容氏稟資謙慎植志靜專訓靡待於姆儀動必遵於圖

充儀朱氏

○

順容

戴貴人真容順容也定武軍節度使興之女入宮為貴人慶曆四年九月贈順容同上

(八元符二年六月)

凡減美人以下的提字

藏美人江南李煜宮人煜卒入宮中大平興四年八月自御侍為縣君瑞拱二年四月為美人  
唐美人檢密院使檢校太師兼侍中贈晉王彬之女大中祥符中為美人

○

此上與在應書有條句下自成美人以白目同上兩字

史暨預紫庭之選益昭彤管之輝藻鑒精明獨前知於聖母蘭心芳潔今娛侍於東朝雖眷禮之每加尚名秩之未稱是循彛制庸舉褒章積自九嬪之聯陞處四星之次增光壺則歸厚民風於戲思孝奉先實廣因心之愛近親貴老益推錫類之仁祇服寵榮永綏壽祉可特進位貴妃仍令所司擇日備禮冊命

大典卷一千二百六十五

婕妤

宋才人熙寧二年十一月為才人六年四月進婕妤

馮才人初封治平郡君元豐八年四月為才人進婕妤

好同上

美人

吳美人太宗右屯衛將軍延保之女太平興國四年二

吳興郡民嘉妻李氏

月入宮五年為美人  
陳美人初事藩邸為

司衣至道二年卒於東宮葬沙臺寺咸平三年十月改

葬普安院追號美人  
徐美人大中祥符元年自蘭陵

郡夫人知尚書內省事時被疾帝以其在禁中及其未

亟進封滕國夫人尋卒明道二年十二月贈才人慶曆

四年贈美人  
方美人初封新安郡君天禧二年九月

為美人  
王美人初封金城郡君天禧二年九月進為

美人  
俞美人仁宗景祐五年三月自御侍延安郡君

為才人九月進美人  
周美人仁宗嘉祐四年六月自

御侍安定郡君為美人  
大典卷二千九百七十二

張美人 熙寧九年十一月詔魯國大長公主養母仁  
宗後宮延安郡君張氏可特進美人 連美人初封馮  
翊郡君元豐二年二月贈美人 林美人初為御侍元  
豐五年八月封永嘉郡君六年十月為美人 武美人  
初為御侍元豐五年八月進才人八年四月進美人  
勾美人初封仁壽郡君元豐八年四月為才人元符三  
年正月進美人 鮑美人初封永嘉郡君元豐八年四  
月為才人元符三年正月進美人 楊美人初封原武  
郡君元豐八年四月為才人元符三年正月進美人  
張美人初封安定郡君元豐八年四月為才人元符三  
年正月進美人 錢美人初封廣平郡君元豐八年四

吳興郡氏嘉善堂鈔本

月進美人出居瑤華宮入道賜名格非元符元年十月  
卒建中靖國元年正月追復美人 朱美人初封南陽  
郡君元祐七年三月卒贈美人 王美人初封壽昌郡  
君建中靖國元年十月進美人 張美人初封為御侍  
崇寧元年正月封文安郡君三年十一月進美人 王  
美人崇寧三年九月封平昌郡君四年閏二月進才人  
三月進美人 慕美人初為御侍崇寧元年正月進才  
人大觀二年二月進美人 魏美人初為御侍崇寧元  
年正月封安定郡君大觀元年五月進才人二年二月  
進美人 王美人大觀元年閏十月封平昌郡君二年  
正月進才人二月進美人 高美人初為御侍崇寧元

年正月封信安郡君大觀二年二月進才人政和二年  
十月卒贈美人 胡美人初為御侍崇寧元年正月進  
才人大觀二年二月進美人 韓美人初為御侍元符  
二年閏九月封仁壽郡君十一月進才人大觀二年二  
月進美人 朱美人崇寧三年九月封永嘉郡君大觀  
二年二月進才人五年八月進美人 楊美人崇寧元  
年二月封永嘉郡君三年九月進才人大觀二年三月  
進美人 陳美人大觀元年五月封仁壽郡君八月進  
才人三年二月進美人 崔美人初為御侍大觀三年  
正月封平昌郡君十月進才人四年十一月進美人  
韓美人政和二年五月封壽昌郡君十月進美人 劉

吳興石氏嘉善堂

美人宣和三年五月封美人 馮美人紹興十六年五  
月詔典籍馮氏進封美人 大典卷二千九百七十二

才人

孫才人左金吾衛大將軍守斌之女太平興國二年七  
月入宮三年為才人 高才人太平興國二年三月入  
宮三年三月為才人 朱才人淳化二年七月自御侍  
為縣君四年十一月為才人 沈才人真宗故相倫之  
孫光祿少卿繼宗之女大中祥符二年四月為才人  
陳才人明道二年十二月自御侍追贈才人 苗才人  
景祐五年三月自御侍仁壽郡君為才人 朱才人初  
封沛國郡君元豐八年四月為才人 張才人初封平

高才人

宋才人與三區才人均列前燒煇條世家  
福考多册

昌郡君元豐八年四月為才人 張才人初封仁壽郡  
君元豐八年四月為才人 宋才人熙寧二年十一月  
為才人六年四月進婕妤 張才人神宗初為御侍熙  
寧二年四月封仁壽縣君三年正月進才人 馮才人  
初封治平郡君元豐八年四月為才人元符二年六月  
進婕妤 郭才人初封淮陽郡君元符三年正月為才  
人 劉才人初為御侍崇寧元年正月封晉安郡君大  
觀二年二月進才人 夏才人初為典閣建中靖國元  
年封安定郡君政和三年六月進才人 喬才人大觀  
三年七月封永嘉郡君四年四月進才人生顯福公主  
李才人政和四年二月封才人 王才人政和四年

吳興郡夫人進封才人

六月封才人 韓才人紹興十三年六月九日詔宮正  
韓氏進封才人 吳才人紹興二十二年五月十八日  
詔新興郡夫人吳氏進封才人 同上

郡夫人

太祖置司簿司賓並封縣君太宗置尚宮及大監並知  
內省事充內宣徽南院使兼承旨與司簿或封國夫人  
郡夫人 大典卷二千  
九百六十八  
熙寧十年十月詔昌平郡夫人周氏先朝選置東宮保

蓋以蓋字存

以伴以字存

視朕躬凡十餘年勤謹小心久而不懈今以壽終可贈  
楚國夫人上同

元祐元年五月詔典寶夫人龐氏特授司贊夫人蓋以  
英宗皇帝隨龍保養荆王有勞故有是命 八月詔內  
人張氏特授典贊夫人以伴哲宗讀書於藩邸勤謹不  
懈故也上同

八年詔聽宣胡氏董氏等並特授掌簿夫人管幹尚書  
內省公事 以直筆累年謹密無闕故也上同

紹聖元年九月詔東陽郡夫人柳氏特追贈崇國夫人  
以入侍宮掖服勤累朝故也 詔典言李氏追封華  
原郡夫人 以李氏入宮七十餘年給事章懿太后洎

吳興郡氏嘉妻金針本

仁宗誕生而供奉之勤著聞宮掖故也 詔咸寧郡夫

人任氏特授京兆郡夫人任氏 以神宗皇帝隨龍李

氏常在藩邸日侍從太皇太后故也上同

建中靖國元年詔咸安郡夫人李氏特授温國夫人仁

壽郡夫人王氏特授温國夫人仁壽郡夫人王氏特授

成國夫人 並以隨龍初遇大禮推恩故也上同

崇寧元年五月詔以尚服張氏為景國夫人 以昔在

哲宗朝侍御服勤今徹几筵故加恩獎也上同

二年正月詔衛國夫人步氏特授吳國榮壽夫人安定

郡夫人董氏特授儀國夫人並以欽聖懿肅太后宮人

執事服勤因大祥推恩政和元年六月詔同安郡君張

並以蓋字存

政和張氏

並依樣式支破諸般請給

氏封安康郡夫人 皆隨龍人以正婦官換封故也  
詔隨龍宮人故濟陽郡夫人王氏可特贈國夫人上同  
乾道元年十月詔隨龍平樂郡夫人張氏加封信國夫  
人 皆隨龍被恩者也上同

六年正月詔崇國夫人王從恭加封崇國柔明淑美和  
懿順穆夫人儀國夫人朱從仁加封儀國柔惠嘉淑靜  
懿夫人 王從恭年八十七朱從仁年八十九並掌文

字有勞故有是詔上同  
冬卷三萬四百七十八

八月詔德壽和國夫人張氏加封和國柔嘉夫人御前  
隨龍信國夫人張氏加封信國明順夫人上同

九年六月詔主管大內公事知尚書內省事慶國夫人

吳興知氏至道三年

李從信兼提舉十閤分事知尚書內省事齊安郡夫人

張從先善主管大內公事加封惠國夫人上同

附乳母

太宗陳國夫人耿氏始封鉅鹿郡夫人太平興國二年

八月封陳國夫人八年正月卒 太宗至道三年八月

十七日封乳母齊國夫人劉氏為秦國延壽保聖夫人

先是帝以漢唐封乳母為夫人邑君故事付中書省問

宰臣呂端等曰斯禮可行否端等曰前代舊規斯可行

也或加以大國或益之美名事出宸衷禮無定制故有

是命大典卷一萬八百十一

真宗齊魯國夫人劉氏初封齊國夫人至道三年八月

封秦國加號延壽保聖咸平元年九月卒進號成聖繼  
明天聖四年改號秦國肅明賢順至和二年追封齊魯  
國夫人元符三年三月改封荆楊國 真宗咸平元年  
九月三日秦國延壽保聖夫人劉氏薨先是帝謂宰  
相曰朕有乳母奉之如母近染疾堅請就外將理故令  
就高懷德舊宅安泊如有不諱朕將親臨可乎咸言於  
禮無嫌及薨帝臨喪廢朝三日命入內副都知秦翰護  
喪事遣諸親及東宮舊給使輩以次奠哭十一日帝制  
服哀於苑中群臣奉慰十月二十四日葬於奉先寺前  
一日車駕臨奠奠日輟朝給鹵簿鼓吹時將發哀又以  
太宗喪始期頗疑其事今有司詳定禮官奏議曰書稱

大輿制氏嘉善堂鈔本

高宗諒陰三年不言孔安國曰既卒哭即位除纁麻聽  
於冢宰以終三年至漢文帝即位乃革三年之制以日  
易月二十七日除服心喪終制開竇通禮云先遭重喪  
後遭輕喪皆為制服往則服其輕反則服其重又云皇  
帝為乳母總麻三月按喪葬人皇帝為總麻一舉哀而  
正服伏以秦國夫人保傳聖躬綿歷星紀遽茲淪謝宜  
備哀榮况太宗上仙已終易月之制而聖躬念往當用  
舉哀之文酌於人情允符典禮遂從之上  
仁宗燕國夫人錢氏天禧二年九月封為安吉縣君進  
封榮國夫人至和二年追封燕國夫人 仁宗秦晉國  
夫人林氏天禧五年四月始封福昌縣君乾興元年四

月進封南康郡夫人天聖六年十月進將國徙晉國加  
號慈壽福聖慶歷元年十二月進韓國賢和祐聖益秦  
晉二國更號永壽祐聖又號肅恭賢正至和二年八月  
卒贈秦晉國祐賢肅聖夫人元符三年改封吳越國

至和二年八月二十二日秦國肅恭賢正夫  
人林氏卒帝成服於苑中輟視朝三日宰臣率百官奉  
慰同上又卷三十九

仁宗吳越國夫人許氏先出嫁苗繼宗天聖二  
年四月邀車駕自陳詔封臨穎縣君補繼宗右班殿直  
尋封高陽郡夫人景祐元年十一月進崇國四年六月  
進齊國五年二月加永聖保壽之號肅月進魏國寶元

肅  
誤  
誤

吳興劉氏嘉業堂鈔本

二年三月卒詔輟視朝三日帝為制服發哀追改號肅  
成賢穆至和二年二月贈吳越國夫人

寶元二年四

月九日六宅使象州團練使郭承祐奏自宣魏國夫人  
入內以永聖保壽賜名今魏國既已即世諸事當悉如  
舊晉國夫人陳氏內外傳言特繼永聖之例乞宣諭大  
臣自今後依先朝舊式更不添創名職永為定制帝曰  
官中之事自有皇后餘局各有主者美人亦不令見人  
蓋不欲別生頭項對曰皇后母儀天下規範六宮如此  
正合其理禁中自然肅靜帝曰承祐之奏並依劄與入  
內侍省元符三年三月改封燕莫國

同上又宋續通鑑  
長編又宋續通鑑  
乳母許氏先

為宮人所護出嫁苗繼宗及是崇國夫人戴氏嘉祐二年五

月自尚服追封同上又大典卷二十九

英宗徐國仁良懿恪夫人賈氏治平四年三月封韓國夫人元符三年三月追封徐國夫人仍賜諡仁良懿恪

吳興劉氏嘉業堂鈔本



崇五年十二月兩

朝佑聖安仁保慶榮壽太夫人張氏薨詔許特承苑中  
治具車駕臨奠輟朝三日大觀元年正月以鹵簿鼓吹  
葬是日車駕為出郊駐蹕於崇福隆壽禪院贈燕陳國  
太夫人謚恭懿崇寧中即壽堂建院賜金額

吳興劉氏嘉業堂鈔本

哲宗韓燕國翊德保順勤惠肅穆夫人竇氏元豐八年  
四月封安康郡夫人元祐四年三月封慶國夫人紹聖

紹聖

二年十月封魏國加號福康惠佑元符三年正月詔以先帝寢疾彌留尚隱蔽不以聞降扶風郡夫人建中靖國元年五月復魏國夫人崇寧元年正月封楚越國加號翊德保順四年三月卒贈韓燕國加勤惠肅穆四字四年十一月六日詔慶國夫人竇氏今遇明堂可依例許封贈三代十八日詔慶國夫人竇氏每遇明堂大禮特許奏有服親一名恩澤紹聖二年十一月八日魏國福康惠佑夫人竇氏奏蒙恩進封欲乞與姪竇晞古等推恩詔竇晞古特與三班借職三年六月十一日魏國福康惠佑夫人竇氏言本位輦官張遇等四人到任歲久備見勤勞乞依吳楚國安仁保佑賢壽夫人張氏

吳興有氏嘉妻金鈔本

例各與轉官一等仍舊祇應從之元符三年徽宗即位詔神宗乳母進封韓魏國保聖贊慈安仁賢壽惠和夫人建中靖國元年四月詔錫名十字疏地兩邦曾未足以稱萬一而厭予志也是用度越舊章發揚顯號峻起列品增畀大名寵膺報禮之隆益介壽祺之永遂以為兩朝佑聖太夫人品秩視貴妃 安平縣君王氏紹興元年九月自陳元豐二年蒙取入皇太妃閣常有乳抱之勤元豐三年放出望封一縣君詔特封安平縣君月給錢五十同上

徽宗燕越國安仁順懿靜和恭恪夫人劉氏元符三年二月封安康郡夫人建中靖國元年三月封榮國夫人

十二月封秦國夫人加號安和順懿大觀二年二月封燕國加號安和順懿恭恪政和六年十二月進封越國加號安和順懿靜和恭恪七年正月改安和字為安仁 卯克國康靜恭懿惠穆夫人王氏元符三年二月封和義郡君四月封安定郡夫人建中靖國元年三月封嘉國夫人十二月封楚國號康靖惠恭大觀二年二月封魯國加康靖惠恭懿穆政和元年五月封魯國加康靖順和懿穆三年五月卒贈卯克國易今號 徽宗崇寧四年七月五日詔初供奉御乳人管氏特封縣君月支料錢五貫 以管氏自陳先於欽慈皇太后殿備月權乳遇皇帝降生首進御乳故也八月七日又詔

吳真身氏嘉書堂針本

管氏每月添料錢一十五貫文以管氏陳乞依神宗朝司飾劉氏等例入內祇應故有是詔

管氏以空存

高宗提行

高宗紹

興五年五月十一日詔壽國柔惠淑婉夫人王氏特授壽國柔惠淑婉育聖夫人慶國柔懿淑美夫人吳氏特授慶國柔懿淑美保慈夫人並依祿式支破諸般請給九年八月六日詔故慶國柔懿淑美保慈夫人吳氏特贈慶國柔懿淑美靖肅保慈夫人九月二十四日詔壽

國柔惠淑婉育聖夫人王氏特授壽國柔惠淑婉和懿  
慈穆有聖夫人依祿式支破諸般請給二十年二月二  
日詔壽國柔惠淑婉和懿慈穆育聖王夫人位官吏諸  
色祇應人自到任未曾陳乞推恩各特轉一官資六月  
十五日詔故壽國柔惠淑婉和懿慈穆育聖夫人王氏  
特贈福壽國柔惠淑婉和懿慈穆育聖夫人仍賜絹二  
千匹錢一萬貫充教養使用七月十四日詔故壽國柔  
惠淑婉和懿慈穆育聖夫人王氏本位官吏可特轉兩  
官資 三十二年 孝宗即位未改元 八月二十七日詔隨龍姪  
周氏特崇國夫人依祿式支破諸般請給十一月十五  
日加封崇國慈良保佑賢壽夫人十二月十四日薨乾

特下當有封字

吳興周氏嘉善堂刻本

道二年九月二十一日贈崇國慈良保佑賢壽柔嘉靜  
莊夫人 孝宗乾道二年九月二十一日詔故乳母紅  
霞懷孫氏特贈柔靖夫人 淳熙十六年三月九日詔  
隨龍乳母張氏特封吉國柔明慈惠夫人依祿式支破  
諸般請給紹熙三年三月二十四日加封吉國柔明慈  
惠淑謹和順端懿夫人 十一月十日詔故乳母新安  
郡夫人徐氏特贈寧國夫人 上同

孝宗德行

帝

系

帝

治


觀

賞

三

元  
燈  
附

要



The image features a large, semi-transparent watermark in the center. The watermark consists of a large, stylized Chinese character, likely '書' (shū), which means 'book' or 'writing'. The character is rendered in a light gray color, making it visible but not fully opaque against the dark background. The character is enclosed within a rounded rectangular border.